

Euskararen sarea ehuntzen

Norbanakoek ematen duten maitasun eta mimoarekin ehuntzen doa euskararen sarea Ermuan. Aurrerapausoak emanez eta helburu berarekin, gure hizkuntzaren aldeko taldea bidea egiten ari da. Erronka handiak ditu aurretik, baina horrek bultzatzen du bere ekina. San Martin Azokak mugarrira ezarriko du bere bidean, Ermua euskaldun baten aldeko bidea.

Elkar ezagutu, eta euskara bultzatu eta sustatzea helburu zuten hainbat eragilek Ermuko Euskaltzaleen Sarea sortu zuten orain dela bi urte. Elkartek, erakundeak zein maila pertsonalean joandako kideak batu ziren bertan, eta berehala jarri ziren lanean Ermua euskaldun-

du bidean. Prozesu luze eta landu baten ostean, herriari luzatutako lehen proposamena iritsi zen, lehen ekitaldi handia: Ermuan Bagara Eguna. Joan den urteko maiatzaren 28an egin zen eta hama-bi ordu eta erdiz euskarak hartu zuen plaza osoa. Euskaraz bakarrik egindako ekintzak egin ziren eta eran-



tzun ezin hobea jaso zuen herritarren partetik.

“Oso arrakastatsua izan zen”, antolatzaileen esanetan. “Ondorio oso positiboak atera genituen Ermuan Bagara Egunez eta bi urtetik

behin egitea erabaki genuen”. Beraz, 2018an egitea tokatzen da, eta Ermuko Euskaltzaleen Sareak ez du bere hitza ahaztu. Irailean batu ziren taldeko kideak lehengo aldiz Ermuan Bagara



Iazko arrakastaren ostean, Ermuan Bagara Eguna ospatuko da berriz 2018ko maiatzaren 26an.

enolimp
GARBIKETA ZERBITZUAK

Tel. 618 89 29 60 - 620 13 65 23
E-maila. enolimp@hotmail.com
48620 Ermua (Bizkaia)

Atariak - Bulegoak - Lokal komertzialak - Enpresak
Obra amaiera eta erreformak

www.enolimp.es

Ferreteria
ANBOTO
Burdindegi

Orain
**KOTXEKO GILTZEN
KOPIAK** ere
egiten ditugu



943 17 69 76
607 33 11 77

ZUBIAURRE, 25 ERMUA (BIZKAIA)
www.ferreteriaanboto.es

Egun berria prestatzen has-teko eta ateak zabalik utzi dituzte bilera hauetan parte hartu nahi duen ororentzat.

Ekitaldiaren prestaketa emozio handiko momentuan iritsi da, izan ere, Euskal Herri osoan zerbait handia ari da prestatzen datorren urtera begira, euskararen munduari astindu handia emango dion ekitaldi zoragarria, eta horren harira ilusioz egiten du lan Ermuko taldeak ere. Hori kontuan izanda, 2018ko Ermuan Bagara Egunak euskararen aldeko mugimendua berotzeko balio dezakela pentsatzen dute antolatzaileek, baina datorren urtera arte itxaron behar izan gabe, aurtengo San Martinetan ere martxan jarriko dituzte hainbat proposamen berri.

Ahobizlak eta Belarriprestak

San Martin Azoka izango da AHOBIZI eta BELARRIPREST figuren abiapuntua Ermuan. Norberak bere buruari euskararen erabileran erronkak ezartzeko figurak dira hauek, baina bi modutan. AHOBIZI figura hartzen dutenek, adibidez, hainbat egunetan (edo eurek zehazten duten denboran) euskaraz bakarrik egiteko konpromezua hartuko dute, “beti ere ikusita beste pertsonak euskaraz asko dakiela, ulertzen duela eta abar. Ez badaki, logikoa da hizkuntzaz aldatzea”. BELARRIPREST figura hartzen dutenak, ordea, euskaraz hain ondo hitz egiten ez dutenak edo, nahiz eta euskara ulertu,

berba egitea lotsa ematen dienak dira. Horrela, figura honen bitartez bi hizkuntzako elkarrizketa ahalbidetu nahi da. “Nahiz eta euskaraz gutxi sortu, elkarrizketa elebiduna ematea da helburua”. Bideo honetan ikusi daiteke nola funtzionatzen duten figura hauek:

Euskarari eusteko lana izango dute AHOBIZIEK, BELARRIPRESTEI euskara entzuteko baliabideak ematea. Modu honetan, biek gaztelerara jo gabe, bakoitzak hobeto menderatzen duen hizkuntzan egin ahal izango du berba, eta belarria euskarara gerturatzeko aukera emango zaie BELARRIPRESTEI.

Ekimen honen prozesuaren hasiera besterik ez da eman-go San Martinetan, eta izen-

emate bitartez bideratuko da ekimena. Gero, izena ematen dutenen arabera antolatuko da ekintza. Ermuko Euskaltzaleen Sarea osatzen dutenek jendea bilatzeko saiakera egingo dute San Martinean gutxieneko kopuru bat izateko, baina nahi duenak ermukoekuskaltzaleensarea@gmail.com helbidean edo Ermuan Bagara Facebookeko orrian eman dezake izena.

Ermuko Euskaltzaleen Sareko kideek espero dute ekimen honen bitartez jende gehiago batzea datorren urteko zita garrantzitsuari begira. Euskaldunen artean ezagutu, animatu “eta plazak hartzea” nahiko genuke, “Ermua euskalduntzea, azken finean”.

Hilean behin batzen dira Ermuko Euskaltzaleen sareko kideak eta hurrengo bilera azaroaren 22an egingo dute 19:00etan Lobianon. “San Martinetako balorazioa egingo dugu, proposamen berriak nolako harrera izan duen ebaluatuko dugu eta abenduaren 3an egingo den Euskararen Egunaren plangintza egiten hasiko gara”. Ondo apuntatu egun hori, urteko azken hileko hirugarren egunean eman-go baita jakitera aurretik aipatu dugun 2018ko zita berezia.

Ekhi Velar



Lobianon batzen da Ermuko Euskaltzaleen Sarea hilean behin.

mari asun 
LORADENDA
Diputazioa 9 - ERMUA - Tel. 943 174379

Caperos
Pintxoak · Razioak · Kaxolak · Plater konbinatuak · Ogitartekoak
Probaleku z/g (Ermua) 699 292 043 · 636 549 154

URRETA **burdindenda**
✕ *Etrea* ✕ *Giltzak*
✕ *Tresneria* ✕ *Sarrailagintza*
✕ *Brikolajea* ✕ *Kit altzariak*
✕ *Erretilak*
Beharkalea 8 Tel: 943 17 65 61 ERMUA

KARABIXA
KARABIXA KAFETEGIA
Egunero 8:30etik aurrera zabalik